

محل مطبعه و اداره :

جغسال اوغلانده امنيت

صندوغی جوارنده

شنکول يقوشنده

۲۲ نومرو

# مستشرقان

۱۳۲۶

اظهار :

مسلكمزه موافق آثار

جدیده مع الممنونیه

قبول اولنور

درج ایدلهین آثار اعاده اولنماز

دیه ، فلسفه ، علوم ، حقوق ، ادبیات تاریخ ، و سیاحتیات و بالخاصه احوال و مشورہ اسلامیه در بحث ایدر و هفته ده بر نشر اولنور .

صاحب و مؤسساری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

آبونه بدلی

سنه لکی

غروش

۳۵

۶۵

ممالک عثمانیه ایچون

روبله

۳۰۵

۶۰۵

روسیه

فرائق

۹

۱۷

سائر ممالک اجنبیه

در سعادتده نسخیسی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلنیر

بشنجی جلد

۲۳ شوال پنجشنبه ۱۵ تشرین اول ۳۲۶

عدد : ۱۱۲

قونفرانس

انکلیز لک اولیما تومی مناسبتیله ایران حقنده

قونفرانس، تشرین اولک اونجی بازار کونی، بک اوغلنده اوده ئون تیاتروسنده آلانورقه ساعت طغوزده، ویریله جکی اعلان اولوغشیدی. دها سکز بچق اوله دن بتون قولتوقلر ولوجه لر خنجا خنج دولشیدی: عثمانیلر ایرانلیلر، تاتارلر... بتون اقوام مخلفه اسلامیه منسوب منورالفکر، کزیده ذوات... بر جوق ضابطان محترمه عثمانیه.. ارمینلردن وسائر اقوام شرقیه دن بعض ذوات.. انکلتره و آمریقا باش ترجمانلری و دها بعض سفارتلره منسوب ذوات.. بر خیلده اجنبی غزته مخبرلری... قونفرانس ساعت طغوزده باشلادی. آردهه بش دقیقه لقی بر فاصله ایله کیجه ساعت بره قدر درت ساعت متادیا دوام ایتدی. خطبای کرام، قارا بک حضرتلری طرفندن برر برر حضار کرامه تقدیم اولونبوردی. هربری طرفندن مهم مهم نطقلر ایراد بیورلدی، بتون دردلر اورتیه دوکولدی. مسئله نك اهمیت فوق العاده سنه مینی بتون نطقلر عیناً ضبط اولونورق بوجه آتی صره سیله درج اولوندی:

قرا بک نطقی

محترم قارداشلر،

بوکون سز قارداشلر مزی بورایه دعوت ایدیشیمزک سببی، انکلتره حکومتک صوک کونلرده ایران دولته ویردیکی اولتیماتوم در. ایرانک ماضیسی و حال حاضری و اوکا قارشی بسله ن فکرلر، اورویاچه، با خصوص ایکی دوات معظمه جه اوله قاریشیق بر مسئله تشکیل ایدیورکه بو باده تنویر افکار ایچون بر چوق ایضاحات و معلومات اعطاسنی مجبوری و الزم کوریورز. بوندن طولایی بو مجلسی ترتیب ایدهرک ایران و شرقک احوالنه، اورویا لیلرک دسائسنه و قوفی اولان قارداشلر مزدن فکر مزی تنویر ایچون بر قونفرانس ویرملرنی رجا ایتدک. ایلك اول ایراد نطق بیوره جق ذات، ایران علمای کرامندن اولوب اوج درت سنه دن بری انقلاب ایچنده حیات کچین و بیوک بیوک خدمتله ایفاسنه موفق اولان و نجف اشرفده کی حریت پرور مجاهدلرک نماینده سی، تمثال فضل و حمیتی بولونان حاجی شیخ اسدالله افندی حضرتلریدر، تقدیم ایدیورم... [القیشلر]

شیخ حاجی اسدالله افندی نطقی

افندیلر، روح ملت و وطنی تجسیم ایدن نجف علماسی طرفندن کرسی خطابه چیقهرق بر قاج سوز سویلمک ایچون مساعده کزی استرحام ایدیورم. افندیلر، نم بوسوزلرمی هان هیئت کرامتک ترجمان افکار و حسیاتی دیه تلقی بیورمکزی رجا ایلم.

ایران احوالنه، ماضیسنه، تاریخنه دائر سائر برادران کرامت طرفندن نطقلر ایراد اولنه جقدر. بنده کزک عرض ایتک ایسته دیکم شودرکه: اوتنه دن بری اورویا دولتلری، عالم اسلامک تعصب و جهالت ایچنده پویان اولدقلرنی هر زمان باشمزه اورهرق بزی و طولایسیله اسلامی و بتون مسلمان عالمی انواع تهمت ایله اتهام ایدرلر، و بو اتهاماتک قسم اعظمی علمایه تحمیل ایلرلردی.

بو حالی کورهرک متأثر اولدیغمز جهته بو مسئولیتی اوزرمزدن قالدیرهلم و اسلامیتک روح و اساسی عدالت و مشروطیت اولدیغنی

بتون جهانیه کوستردلم، دیدک. و بونک اوزرینه مجاهداته کیریشدک. بو یولده بتون مشکلاتی اقتحامه عزم ایتدک، هر درلو فدا کارلغه آماده اولدق. نه قدر موانه دوچار اولدق، فقط هیچ بری عزمیزی قیرهمدی، یولمزدن بزی چیرهمدی. بزهر درلویا ایجابات زمانی نظر دقته آهرق، اورویا دن کلن انسانیت و مدنیت جریانلرنی استقبال ایدهرک بتون موجودیتیز ایله تجدد و تعالییه چالیشدق. بزطن ایدیورددق که بو خصوصده اورویا بزددست معاونتی اوزاده جق، هر درلوتسهیلاتی ابراز ایدهرک؛ فقط مع الأسف بو ظنمزک بوسبتون عکسی ظهور ایلدی، بتون چالشدقلر مز محو اولوب کتدی. بز نه ایچون بو قدر اوغراشیوردق؟ بز ایسته یوردق که وطنمز محفوظ قالسون، ملتیز حر یاشاسون. لکن اجنبی انزیه لری مساعیمزی عقیم بر اقدی. معلوم کزدر که ایران ملتی مدنیته و انسانیتیه خدمت ایتمش بیکرجه سنه لک قدمه مالک بر ملت در. ماضیده مدنیته خدمتی سبق ایتدیکی کی استقبالدهده انسانیتیه چالشمغه آماده در، رمحضا بونک ایچون مجاهداته قیام ایتدی. بز لر نه قدر چالیشدق که اجنبی بیوندوروغی آلتنه کیرمیهلم: مع التأسف مجاهدات مزی عقیم بر اقمه قالدیلر. ایران نه ایچون مجاهده ایدیوردی؟ ایران حریتدن، عدالتدن باشقه نه ایسته یوردی، ایران بو عاقبتیه لایقی ایدی؟ فقط طعاش اوزاقدن کلز، دیرلر. حقیقت اوله در. بز انکلتره یی دوست، حریت پرور ظن ایدیوردق، انسانیت پرور بیلوردق!.. نه قدر آلدائمشز! قوجه حریت پرور دولت! نه اولدیغنی اثبات ایتدی! بزه بر اولتیماتوم ویردی: اوج آیه قدر اغتشاشک اوکئی آلماز سدق ایرانه کیره جکمش.. کویا جنوبده اغتشاش و ارمش! ایسته ایران وقایعی کوز اوکنده جریان ایدیور. بتون دنیا بیلیر که جنوبده اجنبی مداخله سنی موجب اوله جق بر اغتشاش اولماه شددر. فقط مقصد بللی در: استقلال مزی محو ایتک. وطنمزه تعرض ایلمک ایستیورلر. لکن بو متعرضلر و بتون جهان بیللمی در که ایران اولیه جکدر، ایران أسیر اولمایه جقدر. بونی بتون ایران ملتک، بتون ایران علماسنک ترجمان افکارنی اوله زق سویلیورم. مع مافیله ظن ایدیورمکه حریت و استقلال اوغرنده میلیونلرجه قربان ویرن و وطنلرینه بحق مهاد حریت عنوان مفخرتی قراندیرن قوجه انکلتره ملت نجیبی بو وحشته اشتراک ایتیه جکدر. چونکه اشتراکی تاریخ و روحنه قارشی بر حرکت در که بز انکلترلری بودر که دن عالی کورمک ایسترز خلاصه یدی، سکز بیک سنه استقلالنی محافظه ایتمش بر قوم هیچ بر زمان اسارت آلتنه کیره مز. دائماً حر یاشامش ملتیز هر درلو فدا کارلغه حاضر در. بز استقلال مزی اوغورنده اولورز، قادینلره، چوجقلره وارنجیه قدر. بتون افراد ملت بو خصوصده یکوجود و متحد در. بر مقتضای دیانت تک بر وجود قالنجه یه قدر بتون ملت دشمنه نچه لشیر، ینه وطنی، استقلالنی ترک ایتمز. ایرانی ماکل اتخاذ ایلمک ایسته یین آچار بیللمی درلر که ایران قان در یاسنه تحول ایتدکجه هر درلو استفاده دن محروم بر خرابه زاره دونمدکجه دشمن آله کچمیه جکدر... [شدتلی القیشلر]